



REPUBLIKA E SHQIPËRISË

**ENTI RREGULLATOR I ENERGJISË
BORDI**

VENDIM

Nr.80 , Datë 04.05.2020

**“MBI
RINOVIMIN E LICENCËS SË SHOQËRISË “ALPIQ ENERGY ALBANIA” SH.P.K,
NR. 291, SERIA FK15, NË VEPRIMTARINË E FURNIZIMIT TË ENERGJISË
ELEKTRIKE, TË MIRATUAR ME VENDIMIN E BORDIT TË KOMISIONERËVE TË
ERE-S, NR. 73, DATË 13.05.2015”**

Në mbështetje të neneve 16 dhe 37 pika 2, gërma ç) të Ligjit nr. 43/2015 “Për Sektorin e Energjisë Elektrike”, i ndryshuar; nenit 4, pika 1, germa d), nenit 5, pika 1, gërma d), nenit 13 dhe nenit 16 të “Rregullores për procedurat dhe afatet për dhënien, modifikimin, transferimin, rinovimin ose heqjen e licencave në sektorin e energjisë elektrike”, të miratuar me vendimin e bordit të ERE-s nr. 109, datë 29.06.2016 i ndryshuar, dhe nenit 15 të Rregullores së organizimit, funksionimit dhe procedurave të ERE-s, miratuar me vendimin e bordit të ERE nr. 96 datë 17.06.2016, bordi i Entit Rregullator të Energjisë (ERE), në mbledhjen e tij të datës 04.05.2020, mbasi shqyrtoi Relacionet nr. 50/1 datë 23.04.2020 dhe 50/2 prot, datë 27.04.2020 të Drejtorisë së Licensimit, Mbikëqyrjes dhe Autorizimeve, lidhur me “Rinovimin e licencës së Shoqërisë ALPIQ ENERGY ALBANIA Sh.p.k, në veprimtarinë e furnizimit të energjisë elektrike, si dhe Informacionin shtesë nr.50/1-1Prot. datë 30.04.2020

Konstatoi se:

- Bordi i ERE-s me vendimin nr. 52, datë 26.03.2020, ka filluar procedurën për licencimin e Shoqërisë “Alpiq Energy Albania” Sh.p.k në veprimtarinë e furnizimit të energjisë elektrike.
- Në vijim të kësaj vendimmarrje, nëpërmjet postës elektronike zyrtare është kryer njoftimi në median e shkruar me komunikimin elektronik të datës 26.03.2020 dhe në përfundim të afatit të përcaktuar në nenin 10, pika 11, të “Rregullores për procedurat dhe afatet për dhënien, modifikimin, transferimin, rinovimin ose heqjen e licencave në sektorin e energjisë elektrike”, nuk rezultoi të kishte vërejtje apo ankesa nga palë të treta, lidhur me aplikimin e bërë nga Shoqëria “Alpiq Energy Albania” Sh.p.k.

- Me komunikimin elektronik datës 30.03.2020, shoqërisë i është dërguar shkresa për njoftimin e vendimit të fillimit të procedurës dhe kërkesa për plotësimin e dokumentacionit të munguar i cili konsistonte në:
 - Dokumentacioni i përgjithshëm: neni 16, pika 1, gërma b)
 - Dokumentat juridike, administrative dhe pronësore: neni 9, pika 2, gërmat a), b), d), e).
 - Dokumentat financiare dhe fiskale: neni 9, pika 3, gërma c)
 - Dokumentacioni teknik për veprimtarinë e furnizimit të energjisë elektrike: neni 9, pika 4.7, gërmat a), b), c), d), e), g), h), i).
- Në përgjigje të sa më sipër, Shoqëria “Alpiq Energy Albania” Sh.p.k., me komunikimin elektronik të datës 07.04.2020, ka përcjellë në ERE dokumentacionin e munguar, por duke qenë se u konstatuan sërish mungesa, ERE iu drejtua edhe një herë shoqërisë me komunikimin elektronik të datës 09.04.2020, të cilit shoqëria i është përgjigjur me emailin e datës 17.04.2020, duke plotësuar pjesërisht dokumentacionin e munguar.
- Me shkresën nr. 552/6, prot., i ERE-s, datë 30.04.2020, është përcjellë nga shoqëria “ALPIQ ENERGY ALBANIA” sh.p.k, Vërtetimi i Prokurorisë pranë Gjykatës së Shkallës së Parë Tiranë me anë të të cilit vërtetohet se nuk ka procedim penal në ngarkim të administratorëve të shoqërisë.
- Vlefshmëria e licencës së Shoqërisë “Alpiq Energy Albania” Sh.p.k., në veprimtarinë e furnizimit të energjisë elektrike përfundon në datën 13.05.2020, ndërsa aplikimi i shoqërisë për rinovim është kryer në datën 04.03.2020. Rezulton që shoqëria ka aplikuar brënda afatit të parashikuar në nenin 16, pika 1 të “Rregullores për procedurat dhe afatet për dhënien, modifikimin, transferimin, rinovimin ose heqjen e licencave në sektorin e energjisë elektrike”.
- Nga analiza që i’u bë dokumentacionit të depozituar në ERE nga Shoqëria “Alpiq Energy Albania” Sh.p.k., në bazë të nenit 16 të “Rregullores për procedurat dhe afatet për dhënien, modifikimin, transferimin, rinovimin ose heqjen e licencave në sektorin e energjisë elektrike”, rezulton si më poshtë:
 - Dokumentacioni i përgjithshëm: neni 16, pika 1, gërma b). **Plotësuar.**
 - Dokumentat juridike, administrative dhe pronësore: neni 9, pika 2, gërmat a), b), e). **Plotësuar.**
 - Dokumentat financiare dhe fiskale: neni 9, pika 3, gërma c). **Plotësuar.**
 - Dokumentacioni teknik për veprimtarinë e furnizimit të energjisë elektrike: neni 9, pika 4.7, gërmat a), b), c), d), e), g), h), i). **Plotësuar.**
 - Pagesa e aplikimit dhe pagesa e rregullimit: neni 16, pika 7. **Plotësuar.**
 - Vërtetimi nga Prokuroria dhe Gjykata për përfshirje ose jo në një proces penal të drejtuesve të shoqërisë : Neni 9, pika 2, gërma d) .**Plotësuar pjesërisht.** Janë depozituar në ERE vërtetimet e Prokurorisë pranë Gjykatës së Shkallës së Parë Tiranë për administratorët e shoqërisë.
- Në lidhje me kërkesën e nenit 9, pika 2, gërma d) që lidhet me vërtetimin nga Gjykata për përfshirje ose jo në një proces penal të drejtuesve të shoqërisë, në bazë të pikës 2 të vendimit të bordit të ERE nr. 51, datë 26.03.2020 “Mbi disa ndryshime të përkohëshme në procedurat e licencimit në ushtrimin e veprimtarive në sektorin e energjisë elektrike dhe gazit natyror në

kuadër të masave pas shfaqjes së virusit Covid-19 dhe shpalljes së gjëndjes së fatkeqësisë natyrore në vendin tonë”, Shoqëria do të mund ta plotësojë brënda një muaji nga përfundimi i gjëndjes së fatkeqësisë natyrore për shkak të epidemisë së shkaktuar nga COVID-19”.

Për gjithë sa më sipër cituar, bordi i ERE-s,

Vendosi:

1. Të rinovojë licencën nr. 291, Seria F15, të Shoqërisë “Alpiq Energy Albania” Sh.p.k, në veprimtarinë e furnizimit të energjisë elektrike, të miratuar me vendimin e bordit të ERE-s, Nr. 73, datë 13.05.2015, për një afat 5 vjeçar, duke filluar vlefshmërinë nga data 14.05.2020.
2. Shoqëria të plotësojë tërësisht kërkesat e nenit 9, pika 2, gërma d) të “Rregullores për procedurat dhe afatet për dhënien, modifikimin, transferimin, rinovimin ose heqjen e licencave në sektorin e energjisë elektrike”, brënda një muaji nga përfundimi i gjëndjes së fatkeqësisë natyrore në të gjithë Republikën e Shqipërisë për shkak të epidemisë së shkaktuar nga COVID-19”.
3. Drejtoria e Licencimit, Autorizimeve dhe Mbikëqyrjes, të njoftojë aplikuesin për vendimin e Bordit të ERE-s.

Ky vendim hyn në fuqi menjëherë.

Ky vendim botohet në Fletoren Zyrtare.

Për këtë vendim mund të kërkohet rishikim në ERE brenda 7 ditëve kalendarike, si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare

KRYETARI I ERE

Petrit AHMETI